



INTRODUCZIUN

DA MARIANO TSCHUOR

Las semeglias da Jesus ein ina provocaziun cuntinuonta. El va bugen als cunfins da quei ch'in human po supportar. Pitaunas e publicans ell'emprema retscha, buc quels che suondan el en gronda admiraziun e devoziun. El concept da Jesus vala ina veta lischada apparentamein dapli ch'ina tala bein organisada. Quei ei fatal tochen sil di dad oz. Buca quellas e quels emplen dall'illusium d'esser en posses dalla verdad absoluta van el «reginvel», mobein quels ch'enqueran, han dubis – e creien. Crer ei zatgei intim, crer ei ina reit tessida bufatgamein ellas relaziuns verticalas ensi tier Diu e horizontalas tier ils carstgauns. Sin quella reit semova ed agescha il carstgaun cartent – cun tut quei che la cundiziun humana implichescha: stenta e fastedi, desillussium e trumpada, legria e letezia. Nus stuein buc ual prender ils publicans e las pitaunas sco exempel per ir nossa via, ei basta sche nus stein cun tut quei che nus essan avon el, promts per la ricla e la metanoia, promts da supplicar el: «Gida mei, Segner, da crer».

EVANGELI

Mt 21,28–32

²⁸Mo tgei manegeis da quei? In um veva dus fegls. El ei ius tier igl emprem ed ha detg: Miu feagl, va ti oz ella vegna! – ²⁹Jeu vi buc, ha quel rispundiu. Mo pli tard eis el s'enriclaus ed ei ius. ³⁰Lu eis el ius tier il secund feagl ed ha detg il medem. Lez ha rispundiu: Giebein, miu signur! Mo ius eis el buc. ³¹Tgeinin da quels dus ha fatg la voluntad dil bab? – Igl emprem, han ei rispundiu. Jesus ha detg ad els: En verdad, jeu ditgel a vus: Ils publicans e las pitaunas vegnan ad ir avon che vus el reginavel da Diu. ³²Pertgei Gion ei vegnius tier vus sin la via dalla justia, e vus veis buca cartiu enten el; ils publicans e las pitaunas denton han cartiu enten el. Vus veis viu quei, mo veis gnanc lu fatg ricla e cartiu enten el.